

Bosna i Hercegovina
Federacija Bosne i Hercegovine
UNSKO SANSKI KANTON
KANTONALNI SUD U BIHAĆU
Broj: 001-0-Su-10-000 130

IZVJEŠTAJ O RADU KANTONALNOG SUDA U BIHAĆU

ZA 2009. GODINU

BIHAĆ, januar 2010. godine

I. UVODNE NAPOMENE

Zakonom o sudovima u Federaciji Bosne i Hercegovine ("Službene novine FBiH" broj: 38/05 i 22/06) u Unsko-sanskom kantonu su obrazovani slijedeći sudovi: Općinski sud u Bihaću za područje općina Bihać i Bosanski Petrovac; Općinski sud u Bosanskoj Krupi sa Odjeljenjem u Bužimu za područje općina Bosanska Krupa i Bužim; Općinski sud u Cazinu za područje općine Cazin; Općinski sud u Sanskom Mostu za područje općina Sanski Most i Ključ; Općinski sud u Velikoj Kladuši za područje općine Velika Kladuša; te Kantonalni sud u Bihaću za područje Unsko-sanskog kantona.

Odredbom člana 63. istog Zakona propisano je da sud podnosi godišnji izvještaj o svom radu za proteklu godinu nadležnom ministarstvu pravde i Visokom sudijskom i tužilačkom vijeću Bosne i Hercegovine do 31. marta tekuće godine.

Svrha izrade i dostavljanja ovog izvještaja jeste da se na osnovu podataka o broju prenesenih a neriješenih predmeta u radu iz prethodnih godina, priliva predmeta u 2009. godini, ukupnog broja predmeta u radu, broja riješenih i neriješenih predmeta, zapažanja značajnih za obavljanje poslova suđenja, kadrovske strukture i ocjene kvaliteta i kvantiteta rada suda i sudija, obavijesti nadležno ministarstvo kao i Visoko sudijsko i tužilačko vijeće BiH o radu suda i rezultatima tog rada, kao i o problemima i poteškoćama koje su se pojavljivale u radu a koje su, posredno ili neposredno, uticale na relaizaciju zadataka u Kantonalnom sudu u Bihaću. Pored toga ovaj izvještaj će putem navedenih institucija pružiti mogućnost da se zainteresirana javnost i građanstvo upozna o rezultatima i potrebama ovog suda jer je rad ove institucije potpuno transparentan.

Sastavni dio ovog izvještaja predstavlja i tabelarni prikaz svih relevantnih pokazatelja o radu Kantonalnog sud u Bihaću.

II. STANJE AŽURNOSTI I OSTVARENI UČINCI U RADU I KVALITET RADA KANTONALNOG SUDA

A. OSVRT NA STANJE AŽURNOSTI

U toku 2009. godine Kantonalni sud u Bihaću zaprimio je 9653 predmeta po svim pravnim oblastima. Broj prenesenih a neriješenih predmeta iz 2008. godine bio je 4168, pa je tako tokom 2009. godine u radu bilo, ukupno, 13821 predmet.

U toku 2009. godine po svim pravnim oblastima riješen je **9686** predmet dok je neriješen ostao **4135** predmet, pa su kao takvi preneseni u 2010. godinu.

Gledano procentualno broj riješenih predmeta u 2009. godini je **70,10 %** a broj neriješenih predmeta je **29,90 %**.

Imajući u vidu naprijed navedeno može se konstatovati da je ostvarena tendencija rješavanja predmeta u granicama priliva na većini referata, kao i održavanje kvantiteta i kvaliteta rada na zadovoljavajućem nivou.

Pored prethodne konstatacije treba naglasiti da je u 2009. godini bilo niz okolnosti koje su posredno ili neposredno imale uticaj na ažurnost i efikasnost u radu ovog suda.

Navešću samo jednu od odlučujućih okolnosti a to je manji broj sudaca. Naime, ovaj sud je po ranije utvrđenoj sistematizaciji Visokog sudskog i tužilačkog vijeća FBiH imao 13 redovnih i 3 dodatna suca. Tokom izvještajne godine nedostajala su 2 suca da bi polovinom godine imenovan jedan a krajem godine još jedan redovni sudac. Odlukom Visokog sudskog i tužilačkog vijeća a imajući u vidu ažurnost suda i činjenicu da se postojećim brojem sudija ne može riješiti zaostatak,

Visoko sudsko i tužilačko vijeća je proširilo sistematizaciju za 4 redovna i 7 dodatnih sudaca.

B. OSTVARENI UČINCI IZ KRIVIČNO-PRAVNE OBLASTI.

Broj prenešenih a neriješenih predmeta u krivično-pravnoj oblasti iz 2008. godine iznosio je 208. Tokom 2009. godine primljeno je 720 predmeta pa ih je u 2009. godini u radu bilo, ukupno, 928 od čega su riješena 804, a 124 predmeta je ostalo neriješeno i preneseno u 2010. godinu.

Odmah se može zaključiti da je u 2009. godini iz ove pravne oblasti riješeno više predmeta od priliva.

Na prvostepenom krivičnom referatu ("K") iz 2008. godine preneseno je kao neriješeno 43 predmeta; tokom 2009. godine primljeno je 17 predmeta pa je u radu bilo, ukupno, 60 predmeta, od čega je tokom 2009. godine riješeno 28 a neriješeno ostalo 32 predmeta.

Kantonalni sud je u prvom stepenu nadležan da sudi za krivična djela gdje je zapriječena kazna preko 10 godina ili dugotrajni zatvor. Kako se radi o pravno najsloženijim predmetima gdje pojedina suđenja traju po nekoliko mjeseci to je broj od 28 riješena predmeta je više nego zadovoljavajući rezultat na prvostepenom "K" refertu..

Kada su u pitanju krivična djela - ratni zločin ("K-RZ") većina optuženih je bila (a i sada je) nedostupna organima gonjenja, pa je ovaj sud kao ostatak iz 2008. godine prenio 8 ovakvih predmeta te je primljeno 1 u toku izvještajne godine, usljed čega je u radu bilo 9 predmeta od kojih je riješeno 5 a neriješena 4 predmeta.

U drugostepenom krivičnom postupku, na "Kž" referatu, iz 2008. godine kao neriješeno preneseno je 20 predmeta, tokom 2009. godine primljeno je 103 predmeta pa ih je u radu bilo ukupno, 123, od čega je riješeno 103 predmeta a u 2009. godinu, kao neriješeno, preneseno 32 predmeta. Broj prenešenih predmeta predstavlja nešto više od jedne mjesečne norme jednog sudije pa ovaj referat ocjenjujem apsolutno ažurnim.

Kada su u pitanju ostali krivično pravni referati ("Kps", "Kpp", "Kv", "Kp", "Kvl", "Kžk", "Kmž", "Pkž", "Iksž") mogu konstatovati da su potpuno ažurni sa zaostacima od jednog, dva ili, najviše, 8 predmeta (na "Kps"). Primjera radi navodim slijedeće pokazatelje: na "Kv" referatu, od ukupno 78 predmeta u radu, riješeno je 73; na "Kpp" referatru, od ukupno 108 predmeta u radu, riješeno je 106; a na "Iksž" referatu je riješeno svih 18 predmeta.

Kao što je naprijed navedeno, drugostepeni prekršajni postupak "Pžp" je rješavan sa postojećim brojem sudija te sa manjim brojem stručnih saradnika stim da je riješen zaostatak od 113 predmeta te sadašnji zaostatak od 49 predmeta predstavlja jednu sudijsku jednomjesečnu normu, što ne predstavlja problem u rješavanju u 2010. godini..

Sve naprijed navedeno govori da su u Krivično-pravnom odjeljenju postignuti zadovoljavajući rezultati na ažuriranju krivičnih predmeta, a zahvaljujući ličnom zalaganju sudaca i primjeni novog ZKP-a .

C. OSTVARENI UČINCI IZ GRAĐANSKO-PRAVNE OBLASTI

U građansko-pravnoj oblasti iz 2008. godine preneseno je 1782 predmeta, tokom 2009. godine primljena su 1364, tako da je u radu bilo, ukupno, 3146 predmeta. Riješeno 1396 neriješeno 1750 predmeta što znači da je riješeno više predmeta nego što je primljeno.

Svi novoimenovani suci su raspoređeni na ovaj referat tako da sada radi osam sudija.

Pored toga, povećan je broj vijeća na pet redovnih vijeća za odlučivanje u ovoj oblasti.

Predmeta iz oblasti radnih sporova preneseno je iz 2008. godine 1307, primljenmo 647 ukupno u rdu 1954. riješeno 627, ostalo neriješeno 1327 predmeta. Predmeta u privrednim sporovima sa oznakom „Pž“ preneseno je iz 2008. godine 376, tokom 2009. godine zaprimljeno 209 tako da ih je ukupno bilo u radu 579 od kojih je riješeno 244 a ostalo neriješenih 335, dakle, više riješeno nego primljeno. Jedan stručni saradnik raspoređen sa sudijom na ovaj referat i sudijska norma se uvačava za

30 %., međutim, zbog odlaska ovog stručnog saradnika na drugu dužnost od augusta mjeseca na referatu ne radi stručni saradnik.

Na vanparničnom referatu sa oznakom „V“ ostatak iz ranijih godina je 43 predmeta zaprimljeno je 170 predmeta pa je ukupno u radu bilo 213 predmeta, riješeno je 167, ostatak na ovom referatu je 46 predmeta.

Stanje na upravnom referatu je slijedeće:

Ostaci iz ranijih godina „U“ predmeta 439, zaprimljeno 591, pa je ukupno u radu bilo 1030 predmeta od čega je riješeno 497 a ostalo 533 predmeta., dakle, riješeno je manje od priliva.

I na ovom referatu radi stručni saradnik.

„Uz“ nije bilo prenesenih predmeta (1 predmet je primljen i riješen).

„Uvl“ je preneseno 8, zaprimljeno 4, dakle ukupno u radu je bilo 12 predmeta od kojih je 8 riješeno dok su neriješena ostala 4 predmeta.

„Uvp“ je preneseno 5, zaprimljeno 9, dakle ukupno u radu je bilo 14 predmeta od kojih je 6 riješeno dok je neriješeno ostalo 8 predmeta.

U toku godine i to u desetom mjesecu sam zbog priliva „U“ predmeta napravila raspored i zadužila svakog sudiju sa krivičnog referata sa po 30 predmeta. Tako da su ovi suci do kraja ove godine završili 90 „U“ predmeta.

Cijeneći naprijed navedene rezultate rada i dovodeći ih u vezu sa orjentacionim mjerilima prema pojedinim referatima, kako je to naznačilo Visoko sudsko i tužilačko vijeće BiH kroz Uputstvo za popunjavanje obrazaca za ocjenjivanje rada sudaca, evidentno je da je ovaj sud ostvario ukupnu normu od **154,80 %** u rješavanju glavnih referata.

D. KVALITET RADA KANTONALNOG SUDA

Podaci o kvalitetu rada suda mjere se prema broju ukinutih, preinačenih odnosno potvrđenih odluka o kojima je, povodom izjavljenih žalbi, odlučivao Vrhovni sud Federacije Bosne i Hercegovine.

U krivično-pravnoj oblasti Vrhovni sud FBiH je po žalbama stranaka u toku 2009. godine odlučivao u 25 "K" predmeta, i u 20 "Kv" predmeta, 1 „Kžk“ predmet i 2 „Kvl“ predmeta.

Od ukupnog broja izjavljenih žalbi u "K" predmetima u 10 predmeta prvostepena odluka je potvrđena, u 9 predmeta prvostepena odluka je preinačena a u 6 predmeta prvostepena odluka je ukinuta što procentualno iznosi: **40,00 %** potvrđenih, **36,00 %** preinačenih i **24,00 %** ukinutih odluka ovog suda.

Od ukupnog broja "Kv" predmeta u 14 predmeta odluka je potvrđena , u 6 predmetu odluka je ukinuta, što procentualno izgleda ovako: **70,00 %** potvrđenih i **30,00 %** preinačenih odluka ovog suda..

Kžk = **100 %** ukinutih.

Kvl = **100 %** ukinuto.

Što sve ukupno predstavlja kvalitet rada od **68,80 %**.

Na "Gž" referatu Vrhovni sud FBiH odlučivao je u 83 predmeta, na slijedeći način: u 29 predmeta odbačen je pravni lijek, u 45 predmeta odluka ovog suda je potvrđena; dok je u 5 predmeta odluka ovog suda ukinuta, i preinačene 4 odluke, što procentualno izgleda ovako: **83,00 %** potvrđenih odluka, **8,00 %** preinačenih odluka i **9,00 %** ukinutih odluka.

Na "Pž" referatu Vrhovni sud FBiH je odlučivao u 12 predmeta, na slijedeći način: u 2 predmeta pravni lijek je odbačen dok je u 7 predmeta odluka ovog suda potvrđena, u 0 predmeta odluka je preinačena dok je u 3 predmeta odluka ukinuta što procentualno predstavlja **70,00%** potvrđenih odluka, **0,00%** preinačenih i **30,00 %** ukinutih odluka.

Na „V“ referatu 1 predmet je potvrđen.

Što ukupno predstavlja kvalitet rada od **87,70 %** na građanskom odjeljenju.

Na "U" referatu Vrhovni sud FBiH odlučivao je u 163 predmeta, na slijedeći način: u 44 predmeta pravni lijek je odbačen, u 68 predmeta odluka ovog suda je potvrđena, u 21 predmet odluka ovog suda je preinačena, a u 33 predmeta odluka ovog suda je ukinuta, što procentualno izgleda ovako: **37,00 %** potvrđenih odluka, **18,00 %** preinačenih odluka i **25,00 %** ukinutih odluka.

Što ukupno predstavlja kvalitet rada na upravnom odjeljenju od **74,80 %**.

Od ukupnog broja svih predmeta ovog suda (307) u kojima je odlučivao Vrhovni sud FBiH , po žalbama stranaka, u 75 predmeta pravni lijek je odbačen, u 145 predmeta odluka ovog suda je potvrđena, u 34 predmeta odluka ovog suda je preinačena, a u 53 predmeta odluka ovog suda je ukinuta, što procentualno izgleda ovako: **62,60 %** potvrđenih odluka, **14,60 %** preinačenih odluka i **22,80 %** ukinutih odluka ovog suda.

Što predstavlja kvalitet rada suda od **77,20 %**.

Upoređujući kvalitet rada ovog suda u 2008. i 2009. godini, a imajući u vidu procenat potvrđenih i ukinutih odluka kao osnovne pokazatelje za to, može se zapaziti da je kvalitet rada, u odnosu na prethodnu godinu, na građanskom referatu nešto bolji dok je na krivičnom nešto slabiji.. Kvalitativni rezultati su jako dobri što pripisujem maksimalnom angažovanju svih sudaca, njihovoj stručnosti i educiranosti, pa očekujem da će kvalitet rada zadržati visok nivo i u narednom periodu.

E. SUDSKA UPRAVA

Poslovi sudske uprave imaju zadatak da osiguraju uslove za pravilan rad i poslovanje suda a naročito: organizovanje unutrašnjeg poslovanja suda, staranje da se poslovi u sudu vrše uredno i na vrijeme, stručne poslove u vezi sa ostvarivanjem prava i obaveza uposlenika suda, organizovanja stručnog obrazovanja sudija, stručnih saradnika, pripravnika i ostalih zaposlenika suda, vođenje statistike i izrada izvještaja o radu suda, poslove pozivanja i raspoređivanja sudija porotnika, poslove u vezi sa stalnim sudskim tumačima i vještacima, finansijko-materijalne poslove, poslove u vezi sa pritužbama stranaka na rad suda, kao i druge poslove propisane Zakonom o sudovima FBiH, Zakonom o visokom sudskom i tužilačkom vijeću BiH i Pravilnikom o unutrašnjoj organizaciji i sistematizaciji radnih mjesta suda.

U 2009. godini evidentirana su 1085 predmeta sudske uprave "Su". Veliki je broj predstavljeni – podnesaka kojima su se stranke obraćale ovom sudu, neposredno ili preko Ureda ombudsmena a, najčešće, sa zahtjevom da se ubrza rad na rješavanju konkretnih predmeta (najveći broj urgencija se odnosio na predmete iz građansko-pravne oblasti, posebno sporova iz radnih odnosa).

Blagovremeno je donesena Odluka o rasporedu poslova za 2009. godinu kao i Program rada sa prijedlogom mjera za rješavanje starih i zaostalih predmeta. Ostvarena je dobra saradnja sa Uredom ombudsmena u Bihaću i Kantonalnim ministarstvom pravde u Bihaću te sa Sekretarijatom Visokog sudskog i tužilačkog vijeća u Sarajevu i Centrom za edukaciju sudaca i tužilaca u Sarajevu. Sve obaveze prema Visokom sudskom i tužilačkom vijeću BiH, Centru za edukaciju sudaca i tužilaca i nadležnim ministarstvima, ovaj sud je blagovremeno izvršavao.

Naglašavam da smo u cilju smanjenja troškova u dogovoru sa Centrom za edukaciju sudaca i tužitelja stavili na raspolaganje jednu salu za edukacije, tako da sve edukativne seminare Centar obavlja u našoj zgradi što u mnogom smanjuje troškove kako Centra tako i ovog suda. U ovoj godini ostvarili smo poseban vid saradnje sa općinskim sudovima s područja ovog Kantona na taj način što su sudije ovog suda posjetile sve općinske sudove u cilju upoznavanja o pravnim stavovima a u cilju što kvalitetnijeg rada općinskih sudova čime se smanjuje broj predmeta po žalbama u ovom sudu.

F. KADROVSKA STRUKTURA KANTONALNOG SUDA

U Kantonalnom sudu u Bihaću, prema utvrđenoj sistematizaciji Visokog sudskog i tužilačkog vijeća BiH, radi 13 redovnih sudaca i 3 dodatna suca, Odlukom o povećanju broja sudija u sudovima USK-a broj 04-02-9565/09 od 17.12.2009. godine, proširena je sistematizacija na 17 redovnih i 10 dodatnih sudaca.

Prema Pravilniku o unutrašnjoj organizaciji i sistematizaciji radnih mjesta Kantonalnog suda u Bihaću, na koji je ministrica Federalnog ministarstva pravde dala saglasnost, ovaj sud ima 36 zaposlenih. Ovaj sud ima i sekretara. Pošto je uvećan broj

sudaca u toku je procedura oko zaposlenja dva daktilografa i izborjednog stručnog saranika.

III. ZAKLJUČNA ZAPAŽANJA O RADU I USLOVIMA RADA SUDA ZA 2009. GODINU

Generalno gledajući, radom suda u 2009. godini mogu biti zadovoljna.

Međutim, kao i ranijih godine, postojali su objektivni i subjektivni faktori koji su doprinijeli da rad ovog suda ne bude u onoj efikasnosti koju bi svi željeli i kojoj se teži.

Subjektivni faktor kod pojedinih sudija je i lošija organizacija radnog dana te česta odsustvovanja sa posla.

Objektivni faktor je nedostatan broj sudija što je odlukom Visokog sudijskog i tužilačkog vijeća ispravljeno.

U cilju prevazilaženja poteškoća u radu 2010. godine sačinjen je Program rada za 2010. godinu sa mjerama za rješavanje starih i zaostalih predmeta.

Sastavni dio ovog izvještaja čine tabelarni prikaz rada ovog suda po referatima kao i tabelarni prikazi rada svakog sudije pojedinačno.

PREDSJEDNICA SUDA:

Edina Arnautović

